

Pagpangitag Pagpabuhi

ADLAW 6 — SULBAD SA DIOS SA ATONG PAKIGBISOG

"Unya miingon si Jesus sa tanan, "Kon may tawo nga buot mosunod kanako, dili niya palabihon ang iyang kaugalingon, kondili mosunod siya kanako adlaw-adlaw bisan pa kon kamatayon ang iyang dangatan." (Lucas 9:23, 24).

Duha ka Sekreto alang sa Pagpabuhi

Si Jesus nagatanyag og usa ka sulbad alang sa mga unodnong Cristohanon nga buot mamahimong espiritohanong mga Cristohanon. Siya nagaingon, "Pabilin kamo kanako, ug magpabilin usab ako kaninyo" (Juan 15:4). Sa laing pagkasulti, "Dugtong Kanako." Apan unsaon?

Ellen White says that abiding in Christ means—

Si Ellen Whita nagaingon nga ang pagpabilin diha kang Cristo nagkahulogan og—

1. "usa ka makanunayong **pagdawat sa Iyang Espiritu**" ug
2. "usa ka kinabuhi sa **walay pagduhaduha nga pagtugyan** alang sa Iyang pagsilbi" (*The Desire of Ages*, p. 676)

Kini nga duha ka bahin nga sulbad wala lamang nagahatud ngadto sa pagpabuhi kondili ngadto usa sa usa ka malipayong Cristohanong kinabuhi. Ngano man? Si Jesus nag-ingon, "Gisulti ko kini kaninyo aron malipay usab kamo sama kanako, ug mahimong hingpit gayod ang inyong kalipay" (Juan 15:11). Pinaagi sa pagsagop niining duha ka mga lakang, kita makasinati og "Cristo sa sulod kanimo," o sa Iyang presensya sa atong matag adlaw nga mga kinabuhi, ug kana nagkahulogan nga kita magpahat sa paglaum sa Iyang himaya (Colosas 1:27).

Ang Labing Mahinungdanong punto: Kita sa adlaw-adlaw nagapangayo ug nagadawat pinaagi sa pagtoo sa pagbobo sa Balaang Espiritu, ug kita sa adlaw-adlaw nagatugyan sa matag butang nga atong nabatnan ug kon kinsa kita ngadto sa Dios. Siya nagasangap sa pagmaya!

Sa Adlaw 1 kita naghisgot mahitungod kon unsa ka mahinungdanon kini sa pagpangayo sa Balaang Espiritu, ug sa Adlaw 3 kita nagtuon sa atong panginahanglan alang sa pagtugyan. Karon tan-awon nato ang laing panan-aw niining duha ka mga lakang—uban ang pinasahi nga tutok sa atong panginahanglan sa pagpangayo ug pagtugyan *kada adlaw*.

Nganong Kinahanglan Kita Mangayo Adlaw-adlaw Alang sa Balaang Espiritu?

Sa nangaging katuigan nakabasa ako sa sugilanon sa usa ka bugoy nga tawo nga nakabig ngadto kang Cristo. Siya sa bug-os nga kasingkasing nagkompisal sa iyang pagpamakak, pangawat, ug uban pang mga krimin, ug ingon nga usa ka resulta siya nakasinati og usa ka dakung diosnong pagpanginlabot. Ang Dios sa hingpit nagliso sa iyang kinabuhi.

Kini nagdani kanako. Nag-ingon ako sa akong kaugalingon, *Nagabuhay akog maayo sa daghang mga paagi, apan wala akoy ingon niana nga kasinatian*. Busa ako nag-ampo, "Ginoo, gusto ko nga magkompisal tanan nakong mga nailhan nga sala ug ang mga sala nga Imo pang ipadayag kanako. Ingon nga dugang, momata ko usa ka oras nga mas sayo matag adlaw sa pag-ampo ug sa pagbasa sa Biblia. Gusto ko nga makakita kon Ikaw ba usab manginlabot sa akong kinabuhi."

Dalaygon and Dios, Siya gyud nanginlabot sa akong kinabuhi! Dili tungod kay naangkon ko ang pipila nga katakos pinaagi sa pagmata og sayo apan tungod sa adlaw-adlaw ako nagbutang sa akong kaugalingon diin ang Balaang

Espiritu makaabot kanako. Kon ang usa ka presko nga bautismo sa Balaang Espiritu maoy usa ka inadlaw nga kinahanglanon alang kang Jesus dinhi sa yuta, unsa na kaha kita nga mas nanginahanglan niini nga gahum? Si Pablo nagasulat mahitungod sa kinasuloran nga tawo “ingon nga ginabag-o adlaw-adlaw,” ug siya nagaampo nga ang katawhan sa Dios mamahimong “kusgan sa kusog pinaagi sa Iyang Espiritu diha kinasuloran sa tawo” (2 Corinto 4:16 ug Efeso 3:16). Ug si Ellen White nagatanyag niini nga paglaum: “Ang Ginoo mas mawilhon sa paghatag sa Balaang Espiritu alang niadtong mga nanag-alagad Kaniya kay sa mga ginikanan sa paghatag og maayong mga gasa ngadto sa ilang kabataan. Kay and adlaw-adlaw nga bautismo sa Espiritu ang matag magbubuhat kinahanglang magtanyag sa iyang pangaliya ngadto sa Dios” (*The Acts of the Apostles*, p. 50). Ang atong “kinasuloran nga pagkatawo” nanginahanglan og adlaw-adlaw nga pag-atiman.

Nganong Kinahanglan Kita Magtugyan Adlaw-adlaw Kang Jesus?

Nagasulay sa pagtabang sa Iyang mga tinun-an sa pagpasabot sa halad-halad nga kinaiyahan sa pagkatinun-an, si Jesus nag-asoy kanila, “Kon may tawo nga buot mosunod kanako, dili niya palabihon ang iyang kaugalingon, kondili mosunod siya kanako adlaw-adlaw bisan pa kon kamatayon ang iyang dangatan” (Lucas 9:23). Sa paglimod sa kaugalingon nagakahulogan og paghatag kang Jesus og pagbulot-an sa atong mga kinabuhi matag adlaw. Ang apostol Pablo nagasaysay niini sama niini: “Ako namatay sa adlaw-adlaw” (1 Corinto 15:31).

Ingon nga mga tawo kita nagatukol sa pagtugyan, naghikalimot nga “sa dihang ako maluya, nan ako kusgan” (2 Corinto 12:10). Kita nagadawat og lawasnon nga kinabuhi inig katawo, apan kita sa gihapon nagakaon matag adlaw sa pagpalungtad sa panglawas. Kita nagadawat og espiritohanong kinabuhi sa dihang kita nangatawo pag-usab, apan sa gihapon kita nanginahanglan sa inadlaw nga espiritohanong pagkaon o kita mangamatay. Sama nga kita dili makauna-una sa pagkaon sa atong mga pagkaon, ni kita makatugyan kang Cristo alang sa ugma. Si Ellen Whita nagasulat, “Bisan unsa pa ka hingpit ang atong paghalad ug pagkakinabig, kini walay pulos gawas kon kini pagabag-ohon pag-usab kada adlaw” (*Our Father Cares*, p. 144).

Unsaon sa Pagsugod

Ang labing maayo nga dalan—ang bugtong dalan—sa pagdawat sa Balaang Espiritu adlaw-adlaw ug pagtugyan kang Jesus maoy pinaagi sa pagbatonog adlaw-adlaw nga personal nga pagsimba. Gawas kon atong pilion ang Dios matag adlaw, ang atong mga saad ug maayong katuyoan sama sa “mga pisi sa balas” (*Steps to Christ*, p. 47). Mokomitar ka barons a pagpahat sa labing maayong bahin sa imong adlaw Kaniya? “Apan maoy unaha sa pagpanit ang gingharian sa Dios ug ang Iyang pagkamatarung, ug ang tanang mga butang igadugang ra kaninyo” (Mateo 6:33).

Pag-ampo sa Pulong sa Dios

Pagpabilin diha sa labing maayo nga relasyon nga anaa.

“abilin kamo kanako, ug magpabilin usab ako kaninyo. Ingon nga ang sanga dili makapamunga kon dili magpabilin sa punoan, kamo dili usab makapamunga[a] kon mobulag kamo kanako.. . . Kon magpabilin kamo kanako ug tipigan ninyo sa inyong mga kasingkasing ang akong mga pulong, makapangayo kamo kanako bisan unsa nga inyong gusto, ug madawat ninyo kini.” (Juan 15:4, 7).

Ginoo, salamat sa pagpatubo sa among pagsalig sa dihang kami nagtugyan sa adlaw-adlaw Kanim. Giyahi kami nga mas makahibalo sa Balaang Espiritu. Tugoti ang Imong mga tinguha mamahimong among mga tinguha.

Pagpuyo diha labing maayo nga relasyon matag adlaw.

“Kon may tawo nga buot mosunod kanako, dili niya palabihon ang iyang kaugalingon, kondili mosunod siya kanako adlaw-adlaw bisan pa kon kamatayon ang iyang dangatan” (Luke 9:23).

“Busa unaha ninyo ang pagpasakop sa paghari sa Dios ug ang pagtuman sa iyang kabubut-on, ug ihatag gayod niya ang tanan ninyo nga mga gikinahanglan” (Mateo 6:33, NIV).

Hinigugmang Ginoo, tudloi kamo nga unahon Ikaw diha sa matag butang. Ipakita kanmo unsaon sa pagsugod sa matag adlaw uban Kanim.

Dugang Sugyot sa Pag-ampo

Mga Pasalamat ug Pagdayeg: Paghatag og mga pasalamat alang sa mga tino nga panalangin ug dagyga ang Dios tungod sa Iyang kamaayo.

Kompisal: Paggahin og pipila ka mga minutos alang sa pribado nga kompisal ug pasalamat ang Dios tungod sa Iyang pagpasaylo.

Giya: Hangyog ang Dios sa paghatag og kaalam alang sa mga hagit karon ug mga desisyon.

Atong Iglesia: Hangyog ang Dios sa pagpanalangin sa mga pangabudlay sa atong iglesia sa lokal, rehiyon, ug sa tibuok kalibutan.

Mga Lokal nga Hangyo: Iampo ang mga panginahanglanon karon sa mga membro sa iglesia, panimalay, ug mga silingan.

Pamati ug Responde: Paggahin og panahon sa pagpamati sa tingog sa Dios ug sa pagresponde diha sa pagdayeg o awit.

Mga Sinugyot nga Awit

SDA Hymnal: I Need Thee Every Hour (#483); Day by Day (#532); Abide With Me (#50); Turn Your Eyes Upon Jesus (#290); Moment by Moment (#507). *Other Songs:* Open Our Eyes, Lord; Seek Ye First.